

Grad Novi Pazar

Skupština grada

Odbornička grupa SDA Sandžaka

Novi Pazar

10. maj 2023. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O POKRETANJU INICIJATIVE ZA OSNIVANJE DRUGE GIMNAZIJE U NOVOM PAZARU**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 10. maja 2023. godine.

Ovlašteni predstavnik odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

Predsjednik odborničke grupe

mr. Ahmedin Škrijelj

PRIJEDLOG

Na osnovu člana 79. Zakona o lokalnoj samoupravi („Sl. glasnik RS“, br. 129/2007, 83/2014 - dr. zakon, 101/2016 - dr. zakon, 47/2018 i 111/2021 - dr. zakon), članu 90. stav 1. Zakona o osnovama sistema obrazovanja i vaspitanja („Službeni glasnik RS“, br. 88/17 i 27/18 – dr. zakon), članu 4. Zakona o javnim službama („Službeni glasnik RS“, br. 42/91, 71/94, 79/05 – dr. zakon i 83/14 – dr. zakon), članu 147. Statuta grada („Sl. list Grada Novog Pazara“ br. 6/19), člana 137. Poslovnika Skupštine grada Novog Pazara („Službeni list grada Novog Pazara“, br. 6/19), Skupština grada Novog Pazara na sjednici održanoj dana 10. maja 2023. godine, donosi

ODLUKU O POKRETANJU INICIJATIVE ZA OSNIVANJE DRUGE GIMNAZIJE U NOVOM PAZARU

Član 1.

Skupština grada Novog Pazara pokreće inicijativu za osnivanje Druge gimnazije u Novom Pazaru za obavljanje delatnosti u oblasti srednjeg obrazovanja i vaspitanja.

Član 2.

Skupština grada Novog Pazara traži od Vlade Republike Srbije da pokrene postupak za osnivanje, organizaciju i rad srednje škole – gimnazije u Novom Pazaru, a na osnovu propisa o javnim službama i srednjem obrazovanju i vaspitanju.

Član 3.

Srednja škola bi ostvarivala planove i programe nastave i učenja opšteg obrazovanja i vaspitanja u četvorogodišnjem trajanju za sljedeće smjerove gimnazije: Opšti smjer, Društveno-jezički smjer i Prirodno-matematički smjer.

Član 4.

Ovu odluku dostaviti Vladi Republike Srbije.

Član 5.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj: _____

U Novom Pazaru, _____ 2023. godine

PREDSJEDNICA

Dr. Anela Šemsović

O B R A Z L O Ž E N J E

I – Pravni osnov za donošenje odluke

Pravni osnov za donošenje ove odluke sadržan je u članu 79. Zakona o lokalnoj samoupravi („Sl. glasnik RS“, br. 129/2007, 83/2014 - dr. zakon, 101/2016 - dr. zakon, 47/2018 i 111/2021 - dr. zakon), članu 90. stav 1. Zakona o osnovama sistema obrazovanja i vaspitanja („Službeni glasnik RS“, br. 88/17 i 27/18 – dr. zakon), članu 4. Zakona o javnim službama („Službeni glasnik RS“, br. 42/91, 71/94, 79/05 – dr. zakon i 83/14 – dr. zakon) i članu 147. Statuta grada („Sl. list Grada Novog Pazara“ br. 6/19), i članu 137. Poslovnika Skupštine grada Novog Pazara („Službeni list grada Novog Pazara“, br. 6/19).

II – Razlozi i cilj donošenja odluke

Prema podacima iz Strategije održivog razvoja grada Novog Pazara 2021-2030, na teritoriji grada Novog Pazara, imamo 6 srednjih škola koje broje ukupno 197 odeljenja i 5172 učenika što u proseku iznosi 32,83 odeljenja po školi i 26,25 učenika po odeljenju.

Pored ovih, državnih škola, u Novom Pazaru postoji i nekoliko privatnih srednjih škola i dvije medrese. Mreža srednjih škola je prilično zastarjela i neadekvatna realnoj privrednoj i opštoj društvenoj situaciji. Veliki broj odeljenja u Novom Pazaru ima preko 30 učenika, a višegodišnji porast broja učenika nije pratila dogradnja potrebnog prostora, tako da su se učionice opšteg tipa često pretvarale u prostorije namijenjene za kabinete, biblioteke i sl. Stanje nastavnog kadra u određenoj meri prati ovu situaciju. Školske biblioteke su u teškom stanju, bez savremene literature i minimalnog prostora i opreme za rad. Škole ne raspolazu dovoljno prostorima za rekreativne i sportske aktivnosti (naročito ako se uzme u obzir broj učenika).

Novopazarska gimnazija, osnovana je 1913. godine i jedna je od najstarijih srednjih škola na ovim prostorima. Trenutno se u njoj nastava odvija u 4 smjera – 39 odeljenja i 994 učenika. Gimnazija se nalazi u centru grada i njoj gravitiraju učenici iz svih dijelova sa teritorije Grada Novog Pazara. Broj odeljenja, struktura učionica i veliki broj učenika je odavno premašio infrastrukturne kapacitete objekta. Javlja se potreba za dodatnim kapacitetima i rasterećenju postojeće gimnazije, što je i razlog ove inicijative – osnivanje nove gimnazije, u nekom od prigradskih naselja.

III – Objašnjenje pojedinačnih rješenja propisanih ovom odlukom:

Članom 1. utvrđen predmet ove odluke.

Članom 2. propisan je način, odnosno postupak, realizacije odluke te je određen državni organ od koga se traži preduzimanje mjera u cilju realizacije utvrđene ovom odlukom.

Članom 3. utvrđeni su smjerovi koji se traže za buduću srednju školu.

Članom 4. propisana je obaveza dostavljanja ove odluke Vladi Republike Srbije.

Članom 5. propisana je obaveza objavljivanja u „Službenom listu grada Novog Pazara“.

IV – Finansijska sredstva za sprovođenje ove odluke nisu potrebna.